

քրիստոնեայ և, մասնաւորապէս, հայ տարրը մասամբ ջարդւեց, մասամբ կարողացաւ փրկւել փախուստի միջոցով:

Արդահանի շրջանի այլ գէպքերը բռնն վէճերի առիթ տւին Սէյմի մարտ 5 նիստում: Հայերը և վրացիները մի մասը մեղադրում էին մահմետականներին, որ գէնք են ծառայում «մութ ուժի» ձեռքին, որը ձգտում է կործանել Կովկասը: Մահմետական պատգամաւորները ջղայնացած պաշտպանում էին և, իրենց հերթին, յարձակում Դաշնակցութեան վրա, որը, իբր թէ, պատճառ է դառնում մահմետական շրջանների աւերումին:

Նոյն օրերին Սէյմում քննութեան նիւթ եղան և Գանձակի ընդհարումները, որոնք միեւնոյն աստառն ունէին — թիւրքական պրովոկացիան:

Փետրւարին թուրքերը յարձակեցին կայսրանից հայկական մասը անցնող մի խումբ, պատերազմի դաշտից վերադարձող, հայ զինւորների վրա և նրանցից 12ին սպանեցին: Զինւորները գիմեցին ինքնապաշտպանութեան և նոյնպէս սպանեցին մի քանի թուրքեր: Իսկոյն, Գանձակում հայ և թուրք թաղերը դիրքեր բռնեցին միմեանց դէմ, և քաղաքը ստացաւ պատերազմական բանակի կերպարանք: Անդրկ. Սէյմը ուղարկեց պատւիրակութիւն՝ խնդիրը տեղն ու տեղը կարգադրելու համար: Պատւիրակութեան մէջ մտան Գեր. Մախարաձէն, Աւ. Սահակեանը, Շահթախտինսկին և Խոր. Համասփիւրը, իբրև գանձակեցի գործիչ: Մարտ 2-ին մի խառն պատւիրակութիւն էլ ուղարկեցին Բազուի Հայոց և Մահմ. Ազգ. Խորհուրդները՝ բաղկացած Բեհրուժ Զիւանչիւրից ու Բժ. Ռաֆիկէից և Հայկ Տէր-Միքայէլեանից, Գ. Եւանդուլեանից, Գեր. Շահնազարեանից, Յակ. Մանանդեանից ու Մարտին Շաթիրեանից:

Պատւիրակութեան առջև բացւեց այսպիսի պատկեր. յունւարի կէսից սկսած, ինչպէս որ երկաթուղիներով երթեւեկութիւնը հայերի համար կտրւած էր, բոլորովին կտրւել էր և Գանձակի հայերի և թուրքերի փոխյարաբերութիւնը, որովհետեւ կայսրանում, չուկայում և, առհասարակ, թուրքական թաղում (որ քաղաքի մեծ մասն է) բոլոր պատահած հայերին անխտիր թուրքերը սպանում էին: Դրանից յետոյ թէ թուրքական և թէ հայկական մասերը դարձել էին երկու թշնամի բանակներ, որոնք պաշտպանւում էին խրամատներով սահմանի ամբողջ երկարութեամբ, մշտական պահակներով և պատերազմական բոլոր օրէնքներով: Կայսրանը և երկաթուղին թուրքերի մասումն էին, ուստի վերջիններս ազատ կապւած էին արտաքին աշխարհի հետ և օգտւում էին ամէն յարմարութիւնից՝ ստանալով զինամթերք և ուտեստ: Իսկ հայերը, պաշարւած բերդի նման, սպառում էին իրենց վերջին մթերքը. նրանք չափազանց դժւար և պատահական կապ կարող էին պահպանել լեռների հայկական գիւղերի միջով Դիլիջանի և Շուշիի հետ»:^{*)}

Բացի ընդհանուր պատճառից, Գանձակում կար ընդհարումների և մի յատուկ առիթ. Թիֆլիսի կենտրոնական զինւորական իշխանութեան որոշումով թուրքերը պէտք է ստանային ուստական 269րդ գնդի ամբողջ գոյքը, որի մի մասը — ումբ ու փամփուշտ — գտնւում էր թուրքական թաղում և թուրքերն արդէն առել էին, իսկ միւս մասը — մի քանի հազար հրացան,

*) Մ. Շաթիրեան, «Դրւագներ Մօտիկ Անցեալից», «Հայրենիք» ամս. 1923թ. № 7: